

INUIT ATAQATIGIIT

Inatsisartuni



24. juli 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Suliat suli naammassineqanngitsut innuttaasunit utaqqineqartut qassit Isumaginninnermi Maalaaruteqarnermi Aalajangiisartunit ullumikkut suli aalajangiiffigineqanngillat?**
- 2. 2. Oktober 2017 Inatsisartunit akuerineqarpoq allannguutissatut siunnersuut Isumaginninnermi Naammagittaalliuteqartarfiup sulianik ingerlatsinerata naammassiuminarsargaaneranik imalik innuttaasunit nassiunneqartut maalaarutit sukkanerusumik suliarineqartarnissaannik qulakkeerinnittussa.**
 - Isumaginninnermi Maalaaruteqarnermi Aalajangiisartunut nassiunneqartut naammagittaalliutit isummerfigineqartarnera 2017-imut sanilliullugu ullumi sukkanerulerpa?**
 - Taamaassimappat tamanna qanoq takussutissaqarpa?**
- 3. Innuttaasut naammagittaalliutaannik suliarinnittarneq sukkanerusumik pisarnissaanik siunertaqarneq pisimangikkappat;**
 - Tamanna sumik patsiseqarpa?**
 - Tamanna qanoq iliuuseqarfigissallugu Naalakkersuisut qanoq pilersaaruteqarpa?**

(Inatsisartunut ilaasortaqaq Sofia Geisler, Inuit Ataqatigiit)

Tunngavilersuut:

2017-imi Naalakkersuisuusut taamani oktoberimi allapput piffissaq taanna Isumaginninnermi Maalaaruteqartarnermi Aalajangersaasartuniittut suliassat 795-it, taakkulu aalajangiiffigineqarnissaat innuttaasunit naammagittaalliorsimasunit utaqqineqartut. Taamatullu killiffeqarneq Naalakkersuisut naammaginngikkaat. Innuttaasut kiffartuunneqarnerisa pitsaanerulernissaat assigiissarneqarnissaallu siunertaralugu suleriaatsit, aalajangernerit kiffartuussinerillu eqqarsaatigalugit suleriaatsip pisariillisarneqarnissaa siunertarineqarpoq.

Paaserusuppara siunertaliunneqartoq tamanna ullumikkut anguneqarsimanersoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.